

續河南通志

續河南通志卷之五十四

人物志

中州人物商周爲盛漢唐而下聞人代興我

朝

聖聖相承至治翔洽百數十年人文化成蓋不獨中和清淑之氣所鍾抑亦

國家深仁厚澤有以長養而成就之也爰繼前志之後次厥行事忠烈不另爲一編者以

國朝享太平之福無事慷慨赴死而求忠臣於孝子之門則忠義之多又甯少前烈哉故次孝友一編至有以文章著者別爲文苑以存其槩續人物志

列傳一

開封府

李溥字雷澤鄆陵人順治丙戌進士授三原令時流氛未靖數窺縣城溥繕雉堞練鄉勇儲峙甚周九年春賊破西鄉王堡據截薛山溥借兵鄰鎮直擣賊巢盡殲之四郊以甯陞主事三原人肖像祀之

趙映乘祥符人順治丙戌進士由刑部郎中陞福建汀漳道時八閩初隸版圖頑民弄兵巨寇蘇榮據苦竹坑尤桀驁映乘先剪其同黨尋獲蘇榮斬之地方始平乃興學校理滯獄後轉湖廣江防道卒於官

李昭字郎玉滎澤人順治丙戌進士授沁源知縣敦教

化課農桑歲飢賑濟全活甚多時餘寇嘯聚山林瑤
密諭賊黨呂虎許其自新以爲嚮導帥鄉勇直擣巢
穴擒賊首馮三招撫餘黨邑賴以安聞父病力請告
歸

陳衷一字靖丹蘭陽人順治丙戌進士授戶部主事監
督寶源局疏通錢法無壅滯權蕪關邵商人餽遺遷
員外歷郎中擢慶陽知府乞休歸

曹叶卜字煉石蘭陽人順治丙戌進士授御史時明季
黨習未除往往援引濫及叶卜首疏指其奸斥不得
徵輦下稱快爭欲識曹御史之面巡湖北再巡直隸
皆著風采分守關南十餘載整飭庠校釐正文體教

化大行再補武昌叅議管通省驛鹽優恤郵傳疏通
引課商民交頌陞雲南糧儲道卒于官

程佺字全人蘭陽人順治丙戌進士除石門令興利除
弊與百姓更始巨盜陳萬良沈君治聚嘯大麻劫掠
村鎮皆計擒之散其黨羽歸里以壽終

李日芳字元白杞縣舉人順治初授鞏昌同知遷慶陽
知府先是慶爲賊所陷城市一空賊多盤踞山砦中
日芳率丁壯及營兵直抵賊穴不旬日諸砦悉平自
是招徠撫綏慶陽大治遷甘州兵巡副使時甘蘭二
州爲猢猻所據日芳隨陝督孟喬芳協力追剿身冒
矢石旬日城始下遷浙江按察轉右布政除通政使

以病歸

萬化字羽菴封邱舉人順治初除定州知州問民疾苦
政聲翕然擢刑部員外歷郎中執法不阿多所平反
陞山西僉事駐節汾陽值姜瓖初殲後城郭邱墟化
刻意興復巨細畢舉汾民悉獲安堵時永寧諸處逆
黨賈同春等未除化統所部擐甲胄同大師進討大
破之擒同春等餘皆請降一方遂定終蒼梧道

詩聲

劉濬泗字式尼通許諸生以貢授安平知縣歲飢民多
鬻妻子泗加意撫恤捐俸代贖更竭家資爲民完公
賦去之日士民有泣送者

劉晃字雲章祥符人貢生授漢中府同知擢温州府知府倭寇屢入犯晃繕城隍峙糧構選戎卒授兵登陴具有方畧復擒誅內諜百餘人乘勢擊之賊遠遁遂發困廩賑流移築海塘數千尺防禦海汊暇則修復學校與士子講學後引疾歸

張射光字燦斗祥符人官鄱湖守備歷四川副總兵在鄱湖時值吳三桂反奸民煽惑謀不軌因脇射光於梅溪環以白刃曰將舉大事願推將軍爲主射光怒格殺數百人突圍出告變制府遂任以援勦嗣是黃岡江潯山等戰凡殺賊五萬八千餘人恢復列城數處每戰皆身先士卒矢敵交下顏色自若所向成功

後卒子致覺襲職

張奇勛字松公滎陽人拔貢授松溪知縣葉福者邑大盜也奇勛單騎叩壘曉以順逆福感悟率衆萬餘人就撫陞蘇州通判擢太原同知地介邊陲戍軍數萬多出金錢貸于民輒折筭其子女奇勛捐俸贖歸之陞衡州知府卒于官

鄭四端字充甫陳留人順治己丑進士授夏縣知縣釐弊除害夏民德之未幾罷歸民建祠祀之

李嵩陽字元佩封邱人順治七年以御史督學江南時士人風尚相沿爲文多牽綴子書不遵傳註嵩陽取士以程朱理學爲宗凡辭涉浮譎者不錄自是文體

漸歸於正

朱琦字葱珩陳留人順治辛卯舉人授丹稜令招流民均徭賦治績甚著丹稜四十年絕科目琦以經學課諸生遂有舉於鄉者

王廷璧字崑良祥甯人順治壬辰進士分曹刑部活囚甚衆遷禮部郎督學嶺南報最稱第一尋任越東少叅越地沿海海濱木城之設里甲每借此居奇計戶派木而實無益防守廷璧陳請得免寧郡大帥議移鎮廷璧持不可既至紹議以每甲雜駐一兵廷璧又昌言不可遂撫小過嶠之去左遷汀州司馬去之日越民肖像祀之及至汀州值總兵劉炎尅餉一軍大

謹城門晝閉廷壁單騎入營反覆曉諭皆叩頭泣伏
以憂去及寧帥敗起廷壁陝西京莊兵備副使致政
歸

王滙字彭濱儀封人順治壬辰進士任安定令邑號周
敝滙撫綏不遺餘力詳革驛站浮費決獄無滯及去
民立碑誌之

閔派魯字伯崇祥符人順治十年知溧水縣敦儒禮士
多善政先是里糧多寡不齊每遇徭役照里分派民
苦不均魯編審力爲劑平勒成一書曰均里平徭冊
縣西南濱湖田齧於水者十萬餘畝民苦虛賦魯申
請免著爲例

孫印光字大先蘭陽人順治乙未進士除長樂令邑有巨盜出沒劫掠前令慮激變不敢發印光卽請兵勦捕殲其渠魁再補東流令俗產女不育嚴禁之俗遂革遷鬱林知州

李士昭字瑞徵密縣人順治丁酉舉人任感恩知縣縣濱海荒殘糧戶不滿四百家舊欠累數千兩昭請暫停一切襍項多方緩輯不二年糧欠頓清逃民復集邑多嵐瘴水土毒人官其地者相繼殞絕骸骨暴露昭各送歸鄉里致仕歸

侯體隨字從甫杞縣人應瑜孫家貧嘗採蒲編筴織柳爲筐易脫粟以養親順治戊戌成進士授景寧知縣

至則城郭傾圯田野荒蕪體隨多方培護禁止大戶
官米錢糧諸陋規民甚德之

毛九瑞字介祉鄭州人順治己亥進士初任米脂令再
補德興會耿逆倡亂逆黨張存陰以書招之九瑞大
怒縛其使以書聞于

朝廷進秩主事仍知邑事賊入德興之濠岡九瑞率衆奮
擊賊乃退後賊復入縣署刼帑奪印九瑞忿然曰可
速殺我賊將刺之民蜂擁哀號乞勿傷賢令乃免

張文旦字旦復儀封人順治己亥進士授高安令邑多
山爲盜窟文旦勸懲並用盜化爲良歲漕萬石例羨
八百餘石文旦悉除之西南境接上高縣爲往來孔

道多虎患文旦爲文祝之虎一夕去

梁子鯤字鵬溟鄆陵人以明經授武鄉宰甫下車卽力
請豁漲沒地懸糧出淹禁欠戶數十人邑石盤里寥
濶無村落盛夏行病渴鯤捐建茶菴掘地得甘泉水
人泐石紀德名曰梁公泉以疾請休

理學傳

侯殿邦字晉錫儀封人順治辛丑進士授真定知縣邑
南滹沱河歲爲巨浸商旅裹足殿邦爲建大橋境內
沙壓地不下萬餘畝賦多逋積力請豁除致政歸

常翼聖字伯子鄆陵人順治辛丑進士初知潁上縣值
鳳屬大飢出積穀數百石由汴河達潁以爲之倡由

是富民樂輸民賴以濟署霍邱篆霍故多盜又值歲
荒人心洶洶翼聖雪夜乘機率民兵獲賊渠二人餘
黨解散旋設法賑濟境內晏然擢監察御史秉法肅
紀豪惡歛跡視鹺兩浙力請蠲免浙鹽積欠遷京兆
尹累官大理寺卿卒年八十三

白寶珩字楚珍尉氏人由明經授福建長汀知縣值土
寇猖獗圍汀九月珩設法餉兵多方守禦並捐俸濟
民困寇平陞寧國府同知撫輯軍民盜賊聞風潛遁
遷建昌知府有能聲以老致仕歸子龍光以拔貢官
遂平教諭造士有方除國子監學正孫埈貢成均入
史館効力居鄉周卹親族人咸稱之

劉漢黎鄆陵人授清河令清爲衝要區民疲奔命往往
徙漢黎除其逋賦數月間增戶數百邑故以丁田
定賦額而站支之費悉取給於丁徭歲費無算民不
能支漢黎編審增減有差民無不均之嘆

孟用益字時菴杞縣人授四川巴州知州巴地缺甲乙
科用益築義館延師訓課後遂有登第者州東門外
逼近巴江百姓乘舢舨往還時多漂沒因造巨艘以
渡自是無沉溺患轉達州牧以憂歸

王襄字贊伯鄆陵人事繼母以孝聞友愛諸季康熙丙
午舉於鄉授汝陽教諭立五社以課士崇實去華文
風大振癸酉分校楚闡所拔皆名下士

張發辰字庚子杞縣人康熙庚戌進士除臨潼令禁黜科斂歲凡三千餘金聽斷明決庶政畢舉擢吏部文選主事惜名器絕請謁歷考功郎中

司百職字元亮通許人康熙丙辰進士授江津知縣時烽火之後城郭邱墟百職招集流亡墾荒五百餘頃繕完城垣又建泮宮設義館以課俊秀風化大振有巨族侵民田累獄不決百職微服諮訪搜掘碑石爲驗置巨族於法百姓呼爲神君邑多虎患親督健兒入虎穴驅除之擢刑部主事歷戶部郎中提督福建學政

王汚水字朝宗陳留人康熙丙辰進士除巴縣知縣居

官廉介時川中郡邑新復勞徠招集心力交瘁卒于官

劉士聰祥符人康熙己未進士官工科掌印給事中疏言州縣官行取卓異武官迴避本省之法俱見嘉納薦高安朱軾及爭河南衛輝水次輸漕爲使人服其明斷

靳讓字伯遜尉氏人康熙己未進士授宜平知縣丁艱起補汾西知縣時軍需孔亟讓辦理有法不勞民而功集行取山西道御史漸以言事改通州知州通號繁劇疑獄累案牘讓剖決如流殫心教養暮年州大治擢廣西提學僉事宏獎後進殷殷不倦調浙江學